



KOMUNIKADU IMPRENSA

Eviksaun iha Dili: Implikasaun ba Komunitade nia Moris no Seguransa

Data: 18 Marsu 2025

Introdusaun

Despeju forsadu iha Dili hamosu ona preokupasaun signifikante kona-ba bem-estar, seguransa, no estabilidade comunidade afetadu sira-nian. Enkuantu dezenvolvimentu urbanu, disputa rai, no projetu infraestrutura sira hamosu dezlokasaun, populasaun vulnerável sira hasoru susar ekonómiku, instabilidade sosial, no risku seguransa ne'ebe maka'as. ONG HABADA akompaña besik dezenvolvimentu sira-ne'e, hodi halo advokasia ba política reassentamentu ne'ebe justu no solusaun sira ba tempu naruk hodi hamenus efeito adversu sira ba meius subsisténsia no seguransa comunidade nian.

Antesedente kona-ba Eviksaun sira iha Dili

Dili, kapital Timor-Leste nian, hetan aumentu iha kazu despeju tanba fatór oioin, inklui planeamentu urbanu ne'ebe lidera hosi governu, projetu dezenvolvimentu privadu, no disputa legal kona-ba na'in ba rai. Rezidente barak, partikularmente sira ne'ebe iha hela-fatin informal, laiha título formal ba rai, ne'ebe halo sira sai suspetivel ba dezlokasaun forsada. Despeju sira dala barak akontese la-ho konsulta adekuadu, kompensasaun, ka fornesimentu uma alternativu, ne'ebe agrava vulnerabilidade sira hosi umakain sira ho rendimentu ki'ik.

Impaktu ba Meius Subsisténsia

Konsekuénsia ekonómiku hosi despeju forsadu maka todan liu, liuliu ba família sira ne'ebe depende ba merkadu lokal, negósiu informal, ka atividade subsisténsia. Deslokasaun perturba atividade sira ne'ebe hamosu rendimentu, hodi obriga ema barak

lakon servisu ka kondisaun traballu ne'ebe la serteza. Na'in ba negósiu ki'ik sira, vendedor ambulante sira, no peskador sira lakon kliente no espasu operacional sira, ne'ebe hamosu instabilidade financeira no aumentu iha nível ki'ak nian. Adisionalmente, deslokasaun ba área sira ho infraestrutura limitadu no oportunidade ekonómika sira marjinaliza liu-tan populasaun sira ne'ebe afetadu.

Konsekuénsia Sosial no Psikolójiku sira

Aleinde susar ekonómiku sira, despeju sira iha impaktu sosial no psikolójiku ne'ebe kle'an. Deslokasaun perturba rede comunidade sira, hafraku koezaun sosial no sistema apoiu sira. Família sira dalabarak hetan estress, trauma, no inserteza kona-ba sira nia futuro, ne'ebe hamosu dezafiu saúde mental ne'ebe aumenta. Labarik sira sofre hosi edukasaun ne'ebe interrompe tanba muda fatin, enkuantu idozu sira no deficiente sira hasoru difikuldade adisional sira hodi adapta ba ambiente foun sira la-ho estrutura apoiu ne'ebe loos.

Implikasaun sira Seguransa nian

Eviksaun sira kontribui ba preokupasaun seguransa ne'ebe luan liu iha Dili hodi haburas distúrbui sosial, krime, no tensaun entre comunidade no autoridade sira. Ema sira ne'ebe lakon ona nia direitu, no luta atu hatan ba nesesidade báziku sira, bele sai suspetivel ba atividade ka esplorasau ilísitu sira. Adisionalmente, ho forsa muda obrigatóriu sira la-ho prosesu legal ne'ebe loos sobu konfiansa iha governu no aplikasaun lei, ne'ebe bele hamosu protestu ka movimentu rezisténsia sira. Atu asegura seguransa prezisa atu rezolve kauza prinsipal sira hosi keixa sira relasiona ho despeju liuhosi polítika inkluzivu sira no envolvimentu comunidade nian.

Dezafiu Legal no Polítika sira

Enkuadramentu legal ne'ebe hale'u direitu ba rai no prosedimentu despeju iha Timor-Leste sai nafatin kestaun ne'ebe kontensiozu. Rezidente barak laiha dokumentasaun ofisial ne'ebe prova na'in ba rai, enkuantu lei rai no prosesu administrativu sira kompleksu no dalabarak la assível ba grupu marjinalizadu sira. Auzénsia hosi polítika reassentamentu ne'ebe klaru agrava liutan kestaun ne'e, hodi husik ema sira ne'ebe hetan despeju la-ho alternativa sira ba uma ne'ebe viável. Hametin protesau legal sira no garante governasaun rai nian ne'ebe transparente maka esensial atu prevene deslokasaun forsada sira iha futuro.

Rekomendasaun no Solusaun sira

Atu rezolve implikasaun negativu sira hosi despeju sira, presiza aprosimasaun ida ho aspetu oioin:

1. Hametin Protesaun Legal sira - Governu tenke implementa polítika pose ba rai ne'ebe klaru, hodi garante katak populasaun vulnerável sira iha rekoñesimentu legal no protesauun hasoru deslokasaun arbitráriu.
2. Planeamentu Urbanu Sentradu iha Komunidade - Projetu dezvoltimentu sira tenke inkorpora planeamentu partisipativu, hodi permite komunidade sira ne'ebe afetadu atu hato'o sira-nia preokupasaun no kontribui ba solusaun reassentamentu.
3. Kompensasaun Adekuadu no Reasentuamentu - Autoridade sira tenke garante kompensasaun ne'ebe justu no fornese opsaun alternativa ba uma ne'ebe kumpre padraun moris báziku, mantein asesu ba empregu, edukasaun, no servisu sosial sira.
4. Hadi'a Mekanizmu sira Apoiu Sosial - Apoiu psikolójiku, assisténsia finanseira, no programa komunitáriu tenke disponível atu ajuda família dezlokadu sira harii fali sira-nia moris.
5. Diálogo no Mediasaun - Estabelese komunikasaun nakloke entre entidade governu nian, dezvoltedor sira, no komunidade sira bele prevene konfliktu sira no haburas solusaun sira ba tempu naruk.

Konkluzauun

Eviksaun sira iha Dili hamosu ameasa seriu ba moris no seguransa komunidade nian, hodi realsa nesiedade ba aprosimasaun sustentável, bazeia ba direitu ba dezvoltimentu urbanu. Atu rezolve kestaun ida-ne'e presiza esforsu konsertadu ida hosi ajénsia governu nian sira, sosiedade sira, no parseiru internasionál sira atu asegura katak kreximentu ekonómiku la sakrifika direitus umanus no estabilidade sosial. Hodi fó prioridade ba polítika inkluzivu no protesauun sosial sira, Timor-Leste bele haburas futuru ida ne'ebe ekuitativu no seguru liu ba nia sidadaun hotu-hotu.

Informasaun kle'an liu tan halo favor kontaktu:

Abel Amaral

Diretor Ezekutivu

Mobile: +670 7745 4324

Email: abelamaral75@gmail.com

Website: www.habada.org